

ՔՐԵԱԿԱՆ ԴԱՏԱՎԱՐՈՒԹՅՈՒՆ

ՄԻՆՉԴԱՏԱԿԱՆ ՎԱՐՈՒՅԹՈՒՄ ԿԱՅԱՑՎԱԾ ՎԵՐՁԱԿԱՆ ՈՐՈՇՈՒՄՆԵՐԻ ՎԵՐԱՆԱՅՄԱՆ ՀԵՏ ԿԱՊՎԱԾ ՀԻՄՆԱԳԱՐՑԵՐԸ ՀՅ ՔՐԵԱԿԱՆ ԴԱՏԱՎԱՐՈՒԹՅԱՆ ԳՈՐԾՈՂ ՕՐԵՆՍԳՐՔԻ ԵՎ ՆԱԽԱԳԾԻ ՀԱՍՎԱՏԵՔՍՏՈՒՄ

Արմեն ՉՈՎՃԱՆՆԻՍՅԱՆ

ՀՅ ԳԱԱ փիլիստիկայության, սոցիոլոգիայի և
իրավունքի ինստիտուտի ասպիրանտ

Մինչդատական վարույթում քրեական հետապնդան մարմնի կողմից կայացված քրեական գործի կարօնման, քրեական հետապնդումը դադարեցնելու կամ քրեական հետապնդում չիրականացնելու, ինչպես նաև քրեական գործի հարուցումը մերժելու մասին որոշումների (այսուհետ՝ մինչդատական վարույթում կայացված վերջնական որոշումներ) վերացումը և քրեական գործով վարույթի հարուցումը թե՝ գործնական աշխատանքում, թե՝ տեսության մեջ միշտ տեղիք է տվել մի շաբաթ իննդիրների, հակադիր կարծիքների, անորոշության: Այդ մասին են վկայում նաև այս հարցին առնչվող մի քանի անգամ կատարված օրենսդրական փոփոխությունները, ինչպես նաև ՀՅ սահմանադրական դատարանի որոշումը²:

Սակայն նշենք, որ քննարկման առարկա չեն եղել այն հարցերը, թե որքանով է հիմնավոր, որ օրենսդիրը այդ որոշումների վերանայումը (նորոգումը) կապում է *non bis in idem* հանրահայտ կոնվենցիոնալ և սահմանադրական սկզբունքի պահանջների հետ և այն դիտում կրկին դատվել, կամ որքանով է հիմնավոր դրանց վերանայումը ընդհանրապես կապել ինպերատիվ ժամկետներով, կամ նման պարագայում արդյոք չի³ առաջանաւ անձի նկատմամբ շարունակաբար քրեական հետապնդում իրականացնելու վտանգի և արդարադատության շահի ու տուժողի իրավունքների

և օրինական շահերի պաշտպանության միջև հավասարակշռության խնդիր:

Ուստի հաշվի առնելով նաև ՀՅ կառավարության 2012 թվականի օգոստոսի 9-ի N32 արձանագրային որոշմանը հավանության արժանացած ՀՅ քրեական դատավարության օրենսգրքի նախագիծը (այսուհետ՝ Նախագիծ)՝ մենք վերջինիս և ՀՅ քրեական դատավարության գործող օրենսգրքի (այսուհետ՝ Գործող օրենսգրքը) համեմատահրավական վերլուծությամբ սույն հոդվածի շրջանակներում խնդրո առարկա կդարձնենք վերոնշյալ հարցադրումները և կփորձենք տալ որոշակի լուծումներ:

Արդյոք հիմնավո՞ր է մինչդատական վարույթում կայացված վերջնական որոշումների վերանայումը դիտել կրկին դատվել *non bis in idem* հանրահայտ կոնվենցիոնալ և սահմանադրական սկզբունքից:

Դամաձայն ՀՅ Սահմանադրության 22-րդ հոդվածի 7-րդ մասի և Գործող օրենսգրքի 21-րդ հոդվածի 1-ին մասի՝ ոչ ոք չի կարող կրկին դատվել նույն արարքի համար:

Այս հիմնարար պահանջն ավելի մանրամասն սահմանված է նաև «Մարդու իրավունքների և հիմնարար ազատությունների պաշտպանության մասին» Եվրոպական կոնվենցիային (այսուհետ՝ կոնվենցիա) կից 7-րդ արձանագրության 4-րդ հոդվածում, որի 1-ին մասի համաձայն՝ ոչ ոք չպետք է միևնույն պետության իրավագործության շրջանակներում երկրորդ անգամ դատվի կամ քրեական դատավարության կարգով պատժվի այն հանցագործության պատճառով, որի համար

նականապես արդարացվել է կամ դատապարտվել այդ պետության օրենքին և քրեական դատավարությանը համապատասխան:

Իսկ թե եթե է անձը համարվում վերջնականապես արդարացված կամ դատապարտված, ապա նշենք, որ կոնվենցիայի 7-րդ արձանագրության բացատրական գելույցում նշվում է. «Դատական որոշումը համարվում է վերջնական, եթե, համաձայն ավանդական դրսուրման, այն ձեռք է բերել *res judicata*-ի ուժ։ Այդ դեպքում այն համարվում է վերջնական, այսինքն՝ բացակայում են դրա վերացման կամ փոփոխման սովորական միջոցները կամ կողմները սպառել են կամ բաց են թողել դրանից օգտվելու համար սահմանված ժամկետները»³:

Գործող օրենսգրքի 21-րդ հոդվածի 3-րդ մասը սահմանում է.«Քրեական հետապնդման մարմնի գործի վարույթը կարճելու, քրեական հետապնդումը դադարեցնելու կամ քրեական հետապնդում չհրականացնելու մասին որոշման առկայությունը բացառում է քրեական գործը նորոգելը, եթե այն կարող է հանգեցնել անձի վիճակի վատթարացման, բացառությամբ սույն հոդվածի չորրորդ մասով նախատեսված դեպքերի։»:

Ուստմնասիրելով Գործող օրենսգրքի 21-րդ հոդվածի համապատասխան վերնագրի ներքո վերջինիս 3-րդ մասով ամրագրված դրույթը, ինչը հանդիսանում է կրկին դատվելու սահմանադրական և կոնվենցիոնալ սկզբունքի կարևորագույն բաղադրիչներից մեկը, ինչպես նաև տեսության մեջ⁴ և ՀՀ Սահմանադրության մեկնարանություններում⁵ սույն հարցի վերաբերյալ առկա վերլուծությունները՝ նենք զալիս ենք այն համոզման, որ օրենսդիրը՝ որպես կասկածյալի և մեղադրյալի իրավունքների և օրինական շահերի պաշտպանության եռաշխիք, ոոո *bis in idem* հիմնադրույթի տարր է համարել նաև մինչդատական վարույթում կայացված վերջնական որոշումների վերանայումը։

Մինչդատական վարույթում կայացված վերջնական որոշումների վերանայումը

non bis in idem հիմնադրույթի հետ կապելու իրավաչափության հարցը լուծելու նպատակով անհրաժեշտ ենք համարում նախ պարզել, թե որ մարմինն է անձին արդարացնում։

Ըստ Գործող օրենսգրքի 6-րդ հոդվածի 42-րդ կետի՝ արդարացված է համարվում այն անձը, որի նկատմամբ կայացվել է արդարացման դատավճիռ, կամ որի նկատմամբ քրեական հետապնդումը դադարեցվել է անմեղության հիմքով, իսկ համաձայն 66-րդ հոդվածի 1-ին մասի՝ արդարացված է այն անձը, որի նկատմամբ քրեական հետապնդումը դադարեցվել, կամ քրեական գործով վարույթը կարճվել է սույն օրենսգրքի 35-րդ հոդվածի առաջին մասի 1-3-րդ կետերով և երկրորդ մասով նախատեսված որևէ հիմքով...։

Այն, որ օրենսդիրը մինչդատական վարույթ է ընդորկել արդարացվածին և սահմանել, որ արդարացվածը նաև այն անձն է, ում նկատմամբ քրեական հետապնդումը դադարեցվել է անմեղությամբ հիմքով, մեր կարծիքով, հակասում է ՀՀ Սահմանադրության 21-րդ և 91-րդ հոդվածների 1-ին մասերին։

Նման դրույթի սահմանումը վկայում է այն մասին, որ ՀՀ-ում արդարադատությունն իրականացնում են ոչ միայն դատարանները, այլև քրեական հետապնդման մարմնները, ինչը հակասում է ՀՀ Սահմանադրությանը։

Կարծում ենք՝ կարիք չկա քննարկման առարկա դարձնել այն, որ ՀՀ-ում արդարադատությունն իրականացնում են միայն դատարանները, և միայն ու միայն դատական իշխանությանն է վերապահված անձին արդարացնելու իրավունքը⁷։

Ինչ վերաբերում է ՀՀ Սահմանադրության 21-րդ հոդվածով ամրագրված հանգընիանուր ճանաչում ստացած անմեղության կանխավարկածի սկզբունքին, ապա համակարծիք ենք այն մտքին, որ գործերի մինչդատական վարույթում արդարացվածը հանդիս գալ չի կարող, քանի դեռ հետագայում դատաքննության արդյունքում կայացված նրան անմեղ ճանաչելու մասին դատարանի դատավճիռն օրի-

ՔՐԵԱԿԱՆ ԴԱՏԱՎԱՐՈՒԹՅՈՒՆ

նական ուժի մեջ չի մտել: Իսկ սա նշանակում է, որ քրեական գործ կամ քրեական հետապնդում հարուցելուց սկսած մինչև դատավճռի օրինական ուժի մեջ մտնելու պահն ընկած հատվածում անձը համարվում է անմեղ, և անմեղ անձին գործի քննության մինչդատական վարույթում քրեական գործը վարույթը կարծելու եղանակով անմեղ ճանաչելն առնվազն անհեթեթեք է: Աննեղության կանխավարկածից է բխում նաև այն հետևողությունը, ըստ որի՝ անձի անմեղությունը կապվում է ոչ թե քրեական հետապնդման մարմնի, այլ դատարանի հետ, ոչ թե կարճման կամ քրեական հետապնդումը դադարեցնելու մասին որոշման, այլ միայն ու միայն արդարացման դատավճռի հետ⁸:

Ինչ վերաբերում է նախագծին, ապա նշենք, որ այս հարցը լուծվել է նախագծում, քանի որ համաձայն նախագծի 6-րդ հոդվածի 1-ին մասի 22-րդ կետի՝ արդարացված մեղադրյալ է համարվում այն մեղադրյալը, ուստ նկատմամբ առկա է օրինական ուժի մեջ չմտած արդարացման վերդիկտ, այսինքն՝ նախագծով անձի անմեղությունը կապվել է ոչ թե մինչդատական վարույթի, այլ դատարանի հետ:

Սակայն անհրաժեշտ ենք համարում նշել, որ նախագծի նույն 6-րդ հոդվածի 39-րդ կետով սահմանվել է, որ ռեարիլիտացիա է համարվում Հայաստանի Հանրապետության անունից ի շահ արդարացվածի Հայաստանի Հանրապետության օրենսդրությանը համապատասխան կատարվող հատուցումը, իսկ 153-րդ հոդվածի 2-րդ մասում նշվում է. «Սույն հոդվածի 1-ին մասի 1-4-րդ կետերով նախատեսված հիմքերով քրեական հետապնդումը դադարեցնելու դեպքում մեղադրյալը ստանում է ռեարիլիտացիայի հրավունք»:

Փաստորեն ստացվում է, որ նախագծի 6-րդ հոդվածի 39-րդ կետը անուղղակիորեն արդարացված է համարել նաև այն մեղադրյալին, ում նկատմամբ քրեական հետապնդումը դադարեցվել է նախագծի

153-րդ հոդվածի 1-ին մասի 1-4-րդ կետերով նախատեսված հիմքերով, ուստի, մեր կարծիքով, ավելի ճիշտ կլիներ նախագծի 6-րդ հոդվածի 39-րդ կետում «արդարացվածի» բառի փոխարեն սահմանել «ռեարիլիտացիայի հրավունք ստացած անձի» բառը:

Դամակարծիք ենք նաև այն մտքին, որ դատարանի արդարացման դատավճռին անձի նկատմամբ ռեարիլիտացիայի հրավունքի ծագման հիմքերից մեկն է միայն, իսկ արդարացված անձինք, ի տարբերություն այլ հիմքերով ռեարիլիտացիայի հրավունքը ստացած անձանց, ունեն ընդունված ակտի կայունության լրացուցիչ երաշխիքներ՝ նկատի ունենալով այն հանգամանքը, որ դատական ակտը կարող է վերանայվել բացառապես վերադաս դատական ատյանի կողմից¹⁰:

Այսպես, վերոգրյալի հիման վրա կարելի է եղանակացնել, որ անձը կարող է արդարացվել կամ դատապարտվել դատարանի օրինական ուժի մեջ մտած դատավճռի պարագայում, հետևաբար մինչդատական վարույթում կայացված վերջնական որոշումների նորոգումը, մեր կարծիքով, չի կարող համարվել կրկին դատվել:

Այն, որ հիմնավոր չէ մինչդատական վարույթում կայացված վերջնական որոշումների նորոգումը համարել կրկին դատվել, վկայում է նաև Գործող օրենսգրքի 21-րդ հոդվածի 3-րդ մասով սահմանված բացառությունը և 4-րդ մասի առկայությունը¹¹, ինչպես նաև նախագծի 204-րդ հոդվածի 1-ին և 2-րդ մասերը, որոնցով սահմանված դրույթները մեխանիկորեն շեղվում են կոնվեցիային կից 7-րդ արձանագրության 4-րդ հոդվածի 2-րդ մասից և արդյունքում հակասում վերջինիս, քանի որ վերջինս սպառիչ կերպով սահմանում է non bis in idem սկզբունքից շեղվելու իրավաչափ հիմքերը՝ որպես այդպիսին համարելով բացառապես նոր կամ նոր երևան եկած հանգամանքները և հիմնարար խախտումը:

Վերլուծելով նախագծի 16-րդ հոդվածի 2-րդ մասը, ինչը, մեր կարծիքով, հակասում է նույն հոդվածի 1-ին մասին¹² հասկանալի է դառնում, որ նույնիսկ այն, որ

Նախագծով անձի անմեղությունը կապվել է ոչ թե մինչդատական վարույթի, այլ դատարանի հետ, ոչ մի բան չի փոխվել քրեական հետապնդում չհարուցելու կամ քրեական հետապնդումը դադարեցնելու մասին որոշումների¹³ նորոգումը կրկին դատվելու անթույլատրելիության սկզբունքի հետ չկապվելու առումով:

Այսպիսով, հաշվի առնելով վերոնշյալը և նկատի ունենալով, որ կոնվենցիային կից 7-րդ արձանագրության 4-րդ հոդվածի 1-ին մասը վերաբերում է բացառապես դատական ակտերին՝ գտնում ենք, որ հիմնավոր չեն մինչդատական վարույթում քրեական հետապնդման մարմնի կողմից կայացված վերջնական որոշումների նորոգումը համարել կրկին դատվել:

Անհրաժեշտ ենք համարում նշել նաև այն, որ նշյալ որոշումների նորոգումը կրկին դատվել չէ, ենթադրում է, որ դրանք կարող են նորոգվել ինչպես հսկողական վարույթի, այնպես էլ նոր կամ նոր երևան եկած հանգամանքների հիման վրա, այսինքն՝ այն որևէ կերպով չի բացառում, որ օրենսդիրն իր հայեցողությամբ կառուցի այնպիսի մեխանիզմ, որ այդ որոշումները նորոգվեն նաև նոր կամ նոր երևան եկած հանգամանքներով, քանի որ դա նվազագույնից բարձր չափանիշ է անձի իրավունքների պաշտպանության լրացուցիչ մեխանիզմների տեսանկյունից¹⁴:

Ի դեպ, նշենք, որ մի շաբթ երկրների (Ուսասատան, Լատվիա և այլն) ուսումնասիրությունը նույնական վկայում է այն մասին, որ մինչդատական վարույթում կայացված վերջնական որոշումների նորոգումը չի դիտվում որպես կրկին դատվել, սակայն դրանք կարող են նորոգվել նոր կամ նոր երևան եկած հանգամանքներով:

Արդյոք ողջամի՞ն է մինչդատական վարույթում կայացված վերջնական որոշումների վերանայումը սահմանափակել որոշակի ժամկետներով, և արդյոք այդ դեպքում չի առաջանալու անձի նկատմամբ շարունակար քրեական հետապնդում իրականացնելու վտանգի և արդարադատության շահի ու տուժողի իրավունքների և օրինական շահերի պաշտպանության

միջև հավասարակշռության խմելի:

Այսպես, Գործող օրենսգրքի 21-րդ հոդվածի 4-րդ մասը սահմանում է. «Դատախազը քրեական գործը կարճելու, քրեական գործ հարուցելու կամ քրեական գործի հարուցումը մերժելու մասին հետաքննության մարմնի կամ քննիչի կայացրած որոշումը կարող է վերացնել որոշման պատճենը ստանալու պահից 7 օրվա ընթացքում: Դրանից հետո քրեական հետապնդման մարմնի գործի վարույթը կարճելու, քրեական հետապնդումը դադարեցնելու կամ քրեական հետապնդում չիրականացնելու մասին որոշումը կարող է վերացվել մեկ անգամ և միայն գլխավոր դատախազի կողմից՝ այդպիսի որոշում կայացնելուց հետո՝ վեց ամսվա ժամկետում»:

Վերոնշյալի և Նախագծի 204-րդ հոդվածի վերլուծությունից գալիս ենք այն հանդիպման, որ թե՛ Գործող օրենսգրքը, թե՛ Նախագիծը բացառում են մինչդատական վարույթում կայացված և կայացման պահին անօրինական (օրինակ՝ քննիչը կարծում է քրեական գործը արարքի մեջ հանցակազմ չլինելու հիմքով, սակայն գործում առկա են բավարար ապացույցներ, որոնք վկայում են հանցակազմի առկայությունը) եղած վերջնական որոշումների ինչպես վերացման, այնպես էլ բողոքարկման հնարավորությունը համապատասխան վեց, իսկ Նախագծով արդեն երեքամյա ժամկետն անցնելուց հետո, քանի որ մի կողմից համապատասխան ժամկետներն անցնելուց հետո հնարավորություն չի տրվում վերացնելու այդ որոշումները, մյուս կողմից դրանք չեն կարող բողոքարկվել դատարան, քանի որ անցել են բողոքարկման ժամկետները, բացի այդ, դրանք չեն կարող վերացվել և քրեական գործով վարույթը չի կարող հարուցվել նոյնիսկ նոր կամ նոր երևան եկած հանգամանքների հիման վրա¹⁵, քանի որ դրանք եղել են անօրինական կայացման պահին:

Ինչպես նշվում է տեսական գրականության մեջ¹⁶, նոր կամ նոր երևան եկած հանգամանքների հիմքերով գործերի նորոգման պարտադիր պայման է, որ վերջիններիս բացահայտման ուժով գործի նորոգ-

ՔՐԵԱԿԱՆ ԴԱՏԱՎԱՐՈՒԹՅՈՒՆ

ման իիմք հանդիսացող փաստական նյութը լինի բացարձակ նոր, գործում նախկինում չշոշափված։ Սույն հարցին անդրադարձել են նաև մի շարք դատավարագետներ¹⁷, և այն, մեր կարծիքով, պարզաբանման կարիք չունի։

Մինչդատական վարույթում կայացված վերջնական որոշումների վերացման համար ինպերատիվ ժամկետների սահմանումը, կարծում ենք, օրենսդրի տեսանկյունից պայմանավորված է իրավական որոշակիության իիմնարար պահանջով այն առումով, որ ցանկացած ժամկետում նշյալ որոշումների վերացումը և քրեական վարույթի հարուցումը կարող են վտանգ ներկայացնել անձի նկատմամբ շարունակարար քրեական հետապնդում իրականացնելու համար, սակայն այդ պարագայում արդյոք չի՝ առաջանում արդարադատության շահի, տուժողի իրավունքների և օրինական շահերի պաշտպանության անհրաժեշտություն ու վերոնշյալ իրավունքների հավասարակշռված պաշտպանության խնդիր։

Այդ իրավունքների հավասարակշռված պաշտպանության ապահովման խնդրի հետ կապված մեծ հետաքրքրություն է ներկայացնում ՈՂ¹⁸ սահմանադրական դատարանի հետևյալ դիրքորոշումը։ «Քրեական գործի վարույթի կարմման մասին անօրինական և անհիմն որոշումների վերացման և գործի նորոգման հնարավորությունը ինքնին բխում է սահմանադրական այն պահանջներից, որոնք պետական իշխանության մարմիններին, պաշտոնատար անձանց և քաղաքացիներին պարտավորեցնում են պահպանել ՈՂ Սահմանադրությունը և օրենքները (հոդված 15, մաս 2-րդ), որոնք երաշխավորում են մարդու և քաղաքացու իրավունքների և ազատությունների պետական պաշտպանությունը (հոդված 45, մաս 2-րդ) և պետությանը պարտավորեցնում են ապահովել հանցագործությունից տուժածների արդարադատության մատչելիությունը և հասցված

վնասների հատուցումը (հոդված 52)։

Վերոհիշյալ սահմանադրական դրույթների համակարգային միասնությունից հետևում է, որ մասնավորապես կարճված քրեական գործների նորոգման վերաբերյալ որոշումների կայացման ժամանակ անհրաժեշտ է ենթել ինչպես արդարադատության շահի, հանցագործությունից տուժածների, քրեական պատասխանատվության ենթարկվող և անմեղ համարվող անձանց (քանի դեռ նրանց մեղավորությունը չի ապացուցվել օրենքով սահմանված կարգով և հաստատվել դատարանի օրինական ուժի մեջ մտած դատավճռով (ՈՂ Սահմանադրություն, հոդված 49, մաս 1-ին)) իրավունքների և օրինական շահերի պաշտպանության անհրաժեշտությունից, այնպես էլ քրեական հետապնդման ենթարկվելու մշտական վտանգից...։ Դա ենթարում է նաև (մասնավորապես ոչ ամբողջական իրականացված նախարարներության պատճառով) կարճված քրեական գործի նույն իիմքով բազմիցս նորոգման անրույլատրելիությունը։ ՈՂ ՍԴ նախկինում ընդունված որոշումներում արտահայտված իրավական դիրքորոշումների, ինչպես նաև սույն որոշման համաձայն՝ որպես վերոնշյալ իրավունքների պաշտպանության եռաշխիք է քրեական գործի կարճման որոշումը վերացնելու մասին դատախազի որոշման դատական բողոքարկման հնարավորությունը»¹⁹։

Այսպես, վերոնշյալից կարելի է եզրակացնել, որ ՈՂ Սահմանադրական դատարանը սույն խնդրի կապակցությամբ հանգել է հավասարակշռված մոտեցում դրսութելու դիրքորոշմանը, այսինքն՝ մի կողմից, որ չխախտվեն արդարադատության շահը, հանցագործությունից տուժածների իրավունքներն ու օրինական շահերը, իսկ մյուս կողմից քրեական հետապնդման շարունակաբար չենթարկվեն այն անձինք, որոնց նկատմամբ դադարեցվել է քրեական հետապնդումը, և որպես նշյալ իրավունքների պաշտպանության երաշխիք, ՈՂ ՍԴ-ի կարծիքով, հանդիսանում է քրեական գործի կարճման որոշումը վերացնելու մասին

դատախազի որոշման դատական բողոքարկման հնարավորությունը:

Մենք նույնպես լիովին համակարծիք ենք այն մտքին, որ անհրաժեշտ է նշյալ որոշումների նորոգման ժամանակ դրսևորել համապատասխան իրավունքների պաշտպանության հավասարակշված մոտեցում, սակայն որպես դրանց երաշխիք դիտել միայն դատական բողոքարկման հնարավորության առկայությունը, մեր կարծիքով, տվյալ դեպքում բավարար չէ, այն կարող է միայն որոշակիորեն նպաստել նման հավասարակշռության պահպանմանը:

Այսպես, նշյալ որոշումների դատական բողոքարկման պարագայում դատարանը քննարկելու է այն հարցը, թե բողոքարկումը իիմնավոր է, թե ոչ, իսկ այն դեպքում, եթե նման որոշումների վերացման իիմքերը անորոշ են²⁰, իսկ ներպետական օրենսգրքով և Նախագծով այդ իիմքերը ընդհանրապես սահմանված չեն, ապա այդ դեպքում դատական բողոքարկումը, մեր կարծիքով, չի կարող լինել արդյունավետ:

Դարձ ենք համարում նշել, որ վերլուծելով Նախագծի 204-րդ հոդվածի 1-ին և 2-րդ մասերը՝ գալիս ենք այն կարծիքին, որ չնայած վերջնական որոշումների վերացման ժամկետը Նախագծով կրկնակի կրծատվել է (վեց ամսվա փոխարեն սահմանվել է երեքամսյա ժամկետ), սակայն, ի տարբերություն Գործող օրենսգրքի, եթե նման որոշումները վեց ամսվա ընթացքում կարող են վերացվել միայն մեկ անգամ և միայն ՀՀ գլխավոր դատախազի կողմից, ապա Նախագծի համաձայն՝ դրանք կարող են վերացվել երեքամսյա ժամկետում, սակայն մեկից ավելի անգամ, ինչպես նաև ոչ միայն ՀՀ գլխավոր դատախազի, այլև վերադաս դատախազի կամ ՀՀ գլխավոր դատախազի տեղակալի կողմից, ուստի նման կարգավորումը, մեր կարծիքով, կարող է ավելի մեծ վտանգ ներկայացնել անձի նկատմամբ շարունակարար քրեական հետապնդում իրականացնելու համար, քան գործող օրենսգրքի կարգավորումը, իսկ ժամկետի կրկնակի կրծատումը կարող է վլանգ ներկայացնել դատախազի սահմանադրական լիազորությունների իրակա-

նացման ու տուժողի իրավունքների և շահերի պաշտպանության համար:

Այսպիսով, կարծում ենք, որ մինչդատական վարույթում կայացված վերջնական որոշումների վերանայման սահմանափակումը որոշակի ժամկետներով կարող է խոչընդոտել դատախազի սահմանադրական լիազորությունների իրականացմանը ու տուժողի իրավունքների և շահերի պաշտպանությանը և չափահովել անձի նկատմամբ շարունակարար քրեական հետապնդում իրականացնելու վտանգի և արդարադատության շահի ու տուժողի իրավունքների և օրինական շահերի հավասարակշռված պաշտպանությունը:

Դաշվի առնելով վերոգրյալը և ուսումնասիրելով մի շարք երկրների²¹ քրեադատավարական օրենսդրությունը՝ կարծում ենք, որ վերոնշյալ իրավունքների հավասարակշռված պաշտպանության ապահովման համար կարելի է սահմանել, որ մինչդատական վարույթում կայացված վերջնական որոշումները կարող են վերացվել բացառապես հետևյալ երկու դեպքերում, առաջին՝ եթե հաստատվում է, որ նման որոշման կայացման համար չեն եղել օրինական իիմքեր, այսինքն՝ եթե այն կայացնելու պահին եղել է անօրինական, և երկրորդ՝ նոր կամ նոր երևան եկած հանգամանքների դեպքում, որոնք հայտնի չեն եղել վառույթն իրականացնող մարմնին համապատասխան որոշումների կայացման պահին, և որոնց ի հայտ գալին ունի էական նշանակություն վառույթի նորոգման համար:

Կարծում ենք, որ նման ծևակերպման արդյունքում մի կողմից լուծվում է արդարադատության շահի և տուժողի իրավունքների ու օրինական շահերի պաշտպանության անհրաժեշտության հարցը, քանի որ դատախազը հնարավորություն է ստանում մինչև քրեական պատասխանատվության ենթարկելու վաղեմության ժամկետները լրանալը վերացնելու այդ որոշումները, եթե դրանք կայացման պահին եղել են անօրինական (իսկ եթե կայացման պահին եղել են օրինական, ապա դրանք կարող են նորոգվել նոր կամ նոր երևան եկած հանգամանքների հիման վրա), իսկ մյուս կողմից

ՔԵՐԱԿԱՆ ԴԱՏԱՎԱՐՈՒԹՅՈՒՆ

Վերամում է անձին շարունակաբար քրեական հետապնդման ենթարկելու վտանգը, քանի որ կոնկրետ և որոշակի հիմքի սահմանման պարագայում դատական բողոքակումն արդեն իսկ դառնում է նման վտանգի չենթարկվելու իրական երաշխիք:

Ինչ վերաբերում է վարույթի նորոգմանը նոր կամ նոր երևան եկած հանգամանքներով, ապա նշենք, որ մեր կողմից նշված ձևակերպումը, ինչպես նաև օրենսդրական փոփոխությունները²², մեր կարծիքով, կվերացնեն նաև այն իրավական անողությունը, որը ստեղծվել է Գործող օրենսգրքի 426.3 հոդվածի 1-ին մասի 4-րդ կետի մասով: Այսպես, մեր կարծիքով, ներկայումն²³ իրավական առումով անորոշ է այն, որ, օրինակ, դատախազը կարո՞ղ է վերացնել քննիչի կողմից կայացված քրեական գործը կարծելու մասին որոշումը և վարույթ հարուցել նոր երևան եկած հանգամանքներով Գործող օրենսգրքի 426.3 հոդվածի 1-ին մասի 4-րդ կետի հիմքով, քանի որ օրենսգրքով ուղղակիորեն սահմանված է, որ նոր երևան եկած հանգամանքների հետևանքով դատական ակտերը²⁴ վերանայվում են, եթե ի հայտ են եկել դատական ակտ կայացնելիս դատարանին անհայտ մնացած այլ հանգամանքներ: Այսինքն՝ այդ ի հայտ եկած հանգամանքները պետք է անհայտ մնացած լինեին միայն դատարանին և միայն դատական ակտը կայացնելու ժամանակ, իսկ տվյալ դեպքում քրեական գործը կարծելու մասին որոշումն ընդունվել է մինչդատական վարույթում և վարույթի իրականացնող մարմնի կողմից:

Նշենք, որ նույն խնդիրն առկա է նաև Նախագծում: Չարէ ենք համարում անդրադառնալ նաև Նախագծի որոշ դրույթների հակասությանը, որոնք վերաբերում են նոր հանգամանքներով²⁵ վարույթի նորոգմանը:

Մասնավորապես, մեր կարծիքով, Նախագծի 204-րդ հոդվածի 3-րդ մասը հակասում է 440-րդ հոդվածի 1-ին մասին, քանի որ վերջինս սահմանում է բացառիկ վերանայման ենթակա ակտերի սպառիչ շրջա-

նակը՝ որպես այդպիսին չհամարելով մինչդատական վարույթում կայացված և դատական ստուգման չենթարկված քրեական հետապնդում չհարուցելու կամ քրեական հետապնդումը դադարեցնելու մասին որոշումները: Բացի այդ, Նախագծով սահմանված չէ 33 գլխավոր դատախազի կողմից քրեական հետապնդում չհարուցելու կամ քրեական հետապնդումը դադարեցնելու մասին որոշումը նոր հանգամանքների հիմքով վերացնելու ընթացակարգը, իսկ Նախագծի 445-րդ և 446-րդ հոդվածները վերաբերում են 440-րդ հոդվածի 1-ին մասով սահմանված դատական ակտերին, որոնք հանապատասխան հիմքերի առկայության դեպքում 33 գլխավոր դատախազի կամ նրա տեղակալի բողոքի հիման վրա վերանայվում են դատարանի կողմից:

Բացի այդ, Նախագծի 204-րդ հոդվածի 3-րդ մասից բխում է, որ այդ որոշումները համապատասխան ժամկետներն անցնելուց հետո կարող են վերացվել բացառապես նոր հանգամանքների հիմքով, ուստի այդ պարագայում անհասկանալի է Նախագծի 16-րդ հոդվածի 4-րդ մասի 2-րդ կետով իրավունքի հիմնարար խախտմանը այդ որոշումների նորոգմանը անդրադարձ կատարելը: Այսիսով, մենք սույն հոդվածի շրջանակներում Գործող օրենսգրքի և Նախագծի համեմատահրավական վերլուծությամբ քննարկեցինք մինչդատական վարույթում կայացված վերջնական որոշումների վերանայվումը ոու in idem սկզբունքի հետ չկապելու, անձի նկատմամբ շարունակաբար քրեական հետապնդում իրականացնելու վտանգի և արդարադատության շահի ու տուժողի իրավունքների և օրինական շահերի հավասարակշռված պաշտպանության, մինչդատական վարույթում կայացված վերջնական որոշումները նոր կամ նոր երևան եկած հանգամանքներով նորոգելու հետ կապված մի շարք խնդիրներ և փորձեցինք հնարավորինս տալ լուծումներ, ուստի, ելնելով վերջարադրյալից, առաջարկում ենք կատարել օրենսդրական փոփոխություններ՝ հաշվի առնելով նաև մեր մոտեցումները:

- ¹Տես, օրինակ, Ա.Ղամբարյան, Վ.Շահիմյան, Մինչդատական վարույթում կայացված ակտերի վերանայումը նոր երևան Եկած հանգամանքներով,// Օրենք և իրականություն, 2008:
- ²Տես ՀՀ սահմանադրական դատարանի 2011 թ.-ի փետրվարի 4-ի N 935 որոշում:
- ³Տես Case of Nikitin v. Russia, 2004թ., հովհանու 20, Ստրաֆուրդ, կետ 37:
- ⁴Տես ՀՀ քրեական դատավարություն, «Ընդհանուր մաս», Երևան, 2006թ., էջեր 176-177, Դատավորի ձեռնարկ, գիտագործնական վերլուծություն, Երևան, 2010թ., էջեր 355-356:
- ⁵Տես Հայաստանի Հանրապետության Սահմանադրության մեկնարանություններ, 2010թ., էջեր 273-274:
- ⁶Այսինքն Գործող օրենսգրքի 66-րդ հոդվածի 1-ին մասով սահմանված հիմքերը:
- ⁷Տես Հայաստանի Հանրապետության Սահմանադրության մեկնարանություններ, 2010թ., էջ 901:
- ⁸Տես ՀՀ քրեական դատավարություն, «Ընդհանուր մաս», Երևան, 2006թ., էջ 228:
- ⁹Սույն հոդվածի շրջանակներում մենք չենք չենք անդրադառնա Գործող օրենսգրքով և Նախագծով սահմանված արդարացվածի կարգավիճակի տարրերություններին ու առանձնահատկություններին, միայն նշենք, որ ի տարրերություն Գործող օրենսգրքի՝ Նախագծով արդարացվածը չի դիտարկվել որպես քրեական դատավարության ինքնուրույն սուբյեկտ, նա համարվել է այն նույն մեղադրյալը, ում նկատմամբ առկա է օրինական ուժի մեջ չնտած արդարացնան վերդիշություն:
- ¹⁰Տես A. B. Abramov, Оправдание в уголовном процессе, диссертация, Нижний-Новгород, 2005, էջեր 34-47:
- ¹¹Դրանից հետո քրեական հետապնդման մարմնի գործի վարույթը կարծելու, քրեական հետապնդումը դադարեցնելու կամ քրեական հետապնդում չիրականացնելու մասին որոշումը կարող է վերացվել մեկ անգամ և միայն գլխավոր դատախազի կողմից այդպիսի որոշում կայացնելուց հետո՝ վեց ամսվա ժամկետում:
- ¹²Հանգել ենք նման կարծիքի՝ հիմք ընդունելով մեր կողմից արդեն իսկ արված մեկնարանությունները:
- ¹³Անհրաժեշտ ենք համարում նշել, որ ի տարրե-

րություն Գործող օրենսգրքի՝ Նախագծով վերացել է քրեական գործի հարուցման փուլը, իսկ նախաքննությունը սկսվում է հանցագործության մասին հաղորդում ստանալու պահից, բացի այդ, նշենք, որ Նախագծի 141-րդ հոդվածի և 145-րդ հոդվածի 1-ին մասի 3-րդ կետի մեկնարանությունից հետևում է նաև, որ անձի նկատմամբ քրեական հետապնդումը դադարեցվելու դեպքում քրեական վարույթը կարող է շարունակվել, ուստի ու ապահով կարող է անդրադառնա անդրադարձ չկա քրեական գործի կարծնան և քրեական գործի հարուցումը մերժելու մասին որոշումներին:

- ¹⁴Տես Case of Nersesyan v Armenia, 2010թ., հովհանու 19, կետ 25, Case of Wnuk v. Poland, 2009թ., սեպտեմբերի 1:

¹⁵Հիշեցնեմք, որ ՀՀ սահմանադրական դատարանը իր՝ 2011 թվականի փետրվարի 4-ի N935 որոշմամբ հաստատեց, որ նոր երևան Եկած կամ նոր հանգանանքների հիմքով այլ վերջնական իրավական ակտերը նույնացես ենթակա են վերանայման:

- ¹⁶Տես ՀՀ քրեական դատավարություն, «Հատուկ մաս», դասագիրը բուհերի համար, ԵՊՀ, Երևան, 2006, էջ 413:

¹⁷Տես Բлинов Յ.Մ., Возобновление дел по новым открывшимся обстоятельствам. М. 1968; Գրոմով Հ.Ա. Вновь открывшиеся обстоятельства и их расследование в уголовном процессе. М. 1999; Յ. Յ. Дорошков. Мировой судья: исторические, организационные и процессуальные аспекты деятельности. М.: Норма. 2004:

- ¹⁸Համաձայն ՈԴ քրեական դատավարության օրենսգրքի 214-րդ հոդվածի՝ մինչդատական վարույթում կայացված վերջնական որոշումների վերացման և վարույթի նորոգման համար ժամկետներ սահմանված չեն:

¹⁹Տես ՈԴ սահմանադրական դատարանի՝ 2002 թվականի դեկտեմբերի 27-ի N 300-Օ որոշումը: Նշենք նաև, որ ՈԴ սահմանադրական դատարանը իր այս դիրքորոշումը վերահսկատել է նաև մի շարք այլ որոշումներում (Տես 2004, մարտի 25, N 157-Օ, 2005, հովհանու 5, N 328-Օ, 2008, հովհանու 24, N 358-Օ-Օ, 2009, դեկ. 17, N1635-Օ-Օ, 2010, սեպ. 23, N1214-Օ-Օ, 2010, հովհանու 19, 1413-Օ-Օ որոշումները):

- ²⁰Մասնավորապես, ՈԴ քրեական դատավա-

ՔՐԵԱԿԱՆ ԴԱՏԱՎԱՐՈՒԹՅՈՒՆ

որության օրենսգրքի 214-րդ հոդվածի 1-ին մասի համաձայն՝ որպես նման որոշումների վերացման հիմք հանդիսանում է նաև դրանց անհիմն ճանաչելը, ինչը, մեր կարծիքով, չափազանց անորոշ է:

- ²¹ Լատվիայի քրեական դատավարության օրենք, 2005թ., ապրիլի 21, Էստոնիայի քրեական դատավարության օրենսգրք, 2003թ., փետրվարի 12, ՈՂ քրեական դատավարության օրենսգրք, 2001թ., դեկտեմբերի 18, Բելոռուսի քրեական դատավարության օրենսգրք, 1999թ., հունիսի 24:
- ²² Մեր կարծիքով՝ անհրաժեշտ է Գործող օրենսգրքի 426.3 հոդվածի 1-ին մասի 4-րդ կետում «դատական ակտ կայացնելիս դատարանին» բառերից հետո լրացնել «,իսկ մինչ-

դատական վարույթում վերջնական որոշումներ ընդունելիս վարույթն իրականացնող մարմնին» բառերը:

²³ Նոյեմբերի 23 սահմանադրական դատարանի 2011 թ.-ի փետրվարի 4-ի N935 որոշման առկայության պարագայում:

²⁴ Դաշվի առնելով ՀՀ սահմանադրական դատարանի 2011 թ.-ի փետրվարի 4-ի N935 որոշումը՝ այլևս չենք անդրադառնում այն հարցին, որ սույնի համաձայն նոր երևան եկած հանգամանքների հետևանքով կարող են նորոգվել միայն դատական ակտերը:

²⁵ Նշենք, որ Նախագծով «նոր կամ նոր երևան եկած հանգամանքներ» տերմինները միասնականացվել և վերածվել են «նոր հանգամանքներ» տերմինի:

THE PROBLEMS OF REVISION OF FINAL DECISIONS MADE IN PRETRIAL PROCEDURE IN THE CONTEXT OF THE CURRENT CODE OF CRIMINAL PROCEDURE AND THE DRAFT

Armen HOVHANNISYAN

*The post-graduate of Armenian Academy of
Science philosophy, sociology and law
institute department*

The article presents comparative analysis of the current code of criminal procedure and the Draft, focusing on the problems of compatibility of revision of final decisions made in pretrial procedure with

the principle of non bis in idem, the ensurance of balanced approach to the problem of the threat of continuous prosecution of a person, the interest of justice and the rights and lawful interests of victim's and also considering the problems of reopening the case due to new or newly discovered facts.

On the bases of the study several solutions to the considered problems are proposed.